

耳

〔日本書紀二十二推古三〕七年九月癸亥朔百濟貢白雉一隻是鳳類也、

扶桑略記孝德十五推古三十

○中

〔日本書紀孝德十五〕白雉元年二月戊寅穴戶國司草壁連醜經獻白雉曰國造首之同族贊正月九日於麻山獲焉於是問諸百濟君曰後漢明帝永平十一年白雉所在見焉云云又問沙門等沙門對曰耳所未聞目所未覩宜赦天下使悅民心道登法師曰昔高麗欲營伽藍無地不覽便於一所白鹿徐行遂於此地營造伽藍名白鹿園寺住持佛法又白雀見于一寺田莊國人僉曰休祥又遣大唐使者持死三足鳥來國人亦曰休祥斯等雖微尚謂祥物況復白雉僧旻法師曰此謂休祥足爲希物伏聞王者旁流四表則白雉見又王者祭祀不相踰宴食衣服有節則至又王者清素則山出白雉又王者仁聖則見周成王時越裳氏來獻白雉曰吾聞國之黃耆曰久矣無別風淫雨江海不波溢三年于茲矣意中國有聖人乎蓋往朝之故重三譯而至又晉武帝咸寧元年見松滋是則休祥可赦天下是以白雉使放于園甲申朝庭隊仗如元會儀左右大臣百官人等爲四列於紫門外以粟田臣飯虫等四人使執雉輿而在前去左右大臣乃率百官及百濟君豐璋其弟塞城忠勝高麗侍醫毛治新羅侍學士等而至中庭使三國公麻呂猪名公高見三輪君甕穗紀臣麻呂岐太四人代執雉輿而進殿前時左右大臣就執雉輿伊勢王三國公麻呂倉臣小屎執輿後頭置於御座之前天皇卽召皇太子智天共執而觀皇太子退而再拜使巨勢大臣奉賀曰公卿百官人等奉賀陛下以清平之德治天下之故爰有白雉自西方出乃是陛下及至千秋萬歲清治四方大八島公卿百官及諸百姓等冀罄忠誠勤將事奉賀訖再拜詔曰聖王出世治天下時天則應之示其祥瑞曩者西土之君周成王世與漢明帝時白雉爰見我日本國譽田天皇之世白鳥棟宮大鷦鷯帝之時龍馬西見是以自古迄今祥瑞時見以應有德其類多矣所謂鳳凰麒麟白雉白鳥若斯鳥獸及于草木有符應者皆是天地所生休祥嘉瑞也夫明聖之君獲斯祥瑞適其宜也